



# Ymgynghoriad am Barthau Diogel Ceredigion Adroddiad Adborth



Ymgynghoriad  
y Parthau Diogel

Dyddiad cau:  
10 Awst 2020



Cyngor Sir  
CEREDIGION  
County Council

[www.ceredigion.gov.uk/parthaudiogel](http://www.ceredigion.gov.uk/parthaudiogel)



Caru Love  
Ceredigion

Awst 2020



Cafwyd

**2,065** o ymatebion

(Daeth yr ymgynghoriad i ben ar 10 Awst)



Roedd **64%** yn

**Cytuno** neu'n **cytuno'n gryf** gyda'r Parthau diogel mewn egwyddor

(Roedd 27% yn anghytuno neu'n anghytuno'n gryf)

Roedd **51%** yn **Cytuno**

neu'n **cytuno'n gryf** bod y parthau diogel yn galluogi pobl i ymweld â threfi mewn ffordd ddiogel

(Roedd 38% yn anghytuno neu'n anghytuno'n gryf)



Roedd **37%** yn credu

bod y parthau diogel yn cael effaith **dda** neu **dda iawn** ar fusnesau yng nghanol y dref

(Dywedodd 26% eu bod yn cael effaith wael neu wael iawn)

Mae **52%** o'r farn

bod yr effaith ar Ddeiliaid Bathodyn Glas a'r henoed yn **wael** neu'n **wael iawn**

(Dywedodd 9% bod yr effaith yn dda neu'n dda iawn)



Mae **52%** o'r farn eu

bod yn cael effaith **dda** neu **dda iawn** ar yr awyrgylch mewn trefi

(Dywedodd 27% eu bod yn cael effaith wael neu wael iawn)

Mae **46%** o'r farn eu

bod yn cael effaith **dda** neu **dda iawn** ar yr amgylchedd

(Dywedodd 15% eu bod yn cael effaith wael neu wael iawn)



Mae **14%** yn **cytuno**

neu'n **cytuno'n gryf** eu bod yn cynnig cyfleoedd i hyrwyddo'r iaith Gymraeg

(Roedd 33% yn anghytuno ac nid oedd 29% yn gwybod)

## Prif themâu o'r sylwadau ysgrifenedig

**AWYRGYLCH  
CYFEILLGAR A  
PHLESERUS  
MEWN TREFI**

**MAE'N  
CYNNIG CYFLE  
I DDATBLYGU  
TREFI**

**MYNEDIAD I'R  
ANABL /  
DEILIAID  
BATHODYN  
GLAS**

**MYNEDIAD A  
PHARCIO I  
BRESWYLWYR  
YN Y PARTHAU  
DIOGEL**

**TWRISTIAID/  
YMWELWYR  
DDIM YN CADW  
PELLTER  
CYMDEITHASOL**

**RHAI BUSNESAU  
YN CAEL EU  
HEFFEITHIO  
MEWN FFORDD  
NEGyddOL**

**Cynhaliwyd yr ymgynghoriad rhwng 31 Gorffennaf a 10 Awst 2020**

Roedd yr arolwg ar gael ar-lein trwy wefan y Cyngor ac fe'i hysbysebwyd ar gyfryngau cymdeithasol

Cafwyd cyfanswm o 2,065 o ymatebion

Mae'r tudalennau canlynol yn cynnwys y canlyniadau llawn a gwybodaeth monitro cydraddoldeb

## Cefndir

Rhwng 31ain o Orffennaf a'r 10fed o Awst 2020, cynhaliwyd Cyngor Sir Ceredigion ymgynghoriad gyda thrigolion ynglŷn â'r parthau diogel a sefydlwyd yn eu trefi.

Sefydlwyd y parthau diogel yn Aberaeron, Aberystwyth, Aberteifi a Cheinewydd ym mis Gorffennaf er mwyn helpu i atal Covid-19 rhag lledaenu ar ôl i'r cyfnod clo ddod i ben. Mae rhai ffyrdd wedi cael eu cau i draffig, gwareddwyd annibendod ar balmentydd a gofynnwyd i ymwelwyr barcio i ffwrdd o ganol trefi, a diben hyn oll oedd caniatáu i'r cyhoedd symud o gwmpas y parth yn ddiogel, a hefyd, hwyluso'r cyfle i fasnachwyr a busnesau wneud mwy o ddefnydd o'r lle y tu allan i'w safleoedd, dan gytundeb gyda'r Cyngor.

Roedd yr arolwg ar gael ar-lein ar wefan y Cyngor ac fe'i hysbysebwyd ar gyfryngau cymdeithasol.

## Cyfradd Ymateb

Cafwyd 2,065 o ymatebion i'r arolwg. Mae nifer uchel yr ymatebion, ac yn arbennig, cyfanswm y sylwadau ysgrifenedig a roddwyd i gefnogi pob ateb, yn adlewyrchu'r effaith y mae'r parthau diogel wedi'i chael ar y bedair dref. Mae'r paragraffau sy'n dilyn yn cynnig crynodeb o'r canfyddiadau.

## Prif Ganfyddiadau


**C1: I ba raddau ydych chi'n cytuno â'r egwyddor o greu "parthau diogel" yng nghanol trefi er mwyn gallu cadw pellter cymdeithasol?**

Yn gyffredinol, roedd mwyafrif yr ymatebwyr (64%) yn cytuno neu'n cytuno'n gryf gyda'r egwyddor o greu parthau diogel er mwyn caniatáu i bobl gadw pellter cymdeithasol. Roedd y gyfran fwyaf, 40%, yn cytuno'n gryf gyda'r penderfyniad a chefnogwyd hyn gan nifer o sylwadau ysgrifenedig a oedd yn amlygu manteision llai o draffig, gan bod hyn yn ei gwneud yn fwy diogel i gerddwyr ac yn creu awyrgylch mwy 'croesawgar'. Fodd bynnag, roedd dros chwarter (27%) yn anghytuno neu'n anghytuno'n gryf gyda'r penderfyniad i'w cyflwyno. Y ddau brif reswm a nodwyd yn y sylwadau ysgrifenedig oedd mynediad i bobl anabl a phryder nad oedd pobl yn cydymffurfio â'r rheolau ynghylch cadw pellter cymdeithasol unwaith yr oeddent yn y parthau diogel, ac roedd hyn yn peri i bobl leol deimlo'n anniogel.

## C1. Creu Parthau Diogel

I ba raddau ydych chi'n cytuno â'r egwyddor o greu "parthau diogel" yng nghanol trefi er mwyn gallu cadw pellter cymdelthasol?

▼ Canran




C2: I ba raddau ydych chi'n cytuno bod y "parthau diogel" yng nghanol trefi wedi caniatáu i bobl ymweld â'r dref yn ddiogel?

Roedd mwyafrif llai o 51% yn cytuno neu'n cytuno'n gryf bod y parthau diogel wedi galluogi pobl i ymweld â'r trefi mewn ffordd ddiogel. Roedd 38% yn anghytuno neu'n anghytuno'n gryf gyda'r farn hon, ac yr oeddent yn fwy llafar yn y sylwadau ysgrifenedig na'r rhai a oedd yn cytuno. Roedd eu pryderon yn debyg i'r pryderon a fynegwyd yn yr atebion i'r cwestiwn cyntaf – cyfeiriwyd yn aml at fynediad i bobl anabl, yn ogystal â sicrhau bod lle parcio digonol ar gael os na allant gael mynediad i ganol y trefi. Unwaith eto, y pryder mwyaf oedd y ffaith nad yw pobl, a thwristiaid ac ymwelwyr yn arbennig, yn cydymffurfio â'r rheolau ynghylch cadw pellter cymdeithasol yn y parthau diogel. Roedd 10% pellach o'r ymatebion yn rhai 'niwtral' neu'n nodi nad oeddent yn gwybod.

## C2. Galluogi Pobl i Ymweld yn Ddiogel

I ba raddau ydych chi'n cytuno bod y "parthau diogel" yng nghanol trefi wedi caniatáu i bobl ymweld â'r dref yn ddiogel?

▼ Canran



C3: Pa effaith y mae'r "parthau diogel" wedi'i chael ar fusnesau yng nghanol trefi?


Yn gyffredinol, dywedodd 37% bod effaith y parthau diogel ar fusnesau yng nghanol y trefi yn dda neu'n dda iawn. Cyfeiriodd ymatebwyr at yr effeithiau buddiol ar gaffis, sefydliadau bwyd a thwristiaeth, y maent yn gallu manteisio ar seddau y tu allan yn y cyfnod pan geir mwy o ymwelwyr yn ystod y tymor gwyliau. Ar y llaw arall, dywedodd ychydig dros chwarter (26%) bod yr effaith yn wael neu'n wael iawn. Dywedodd 37% pellach nad oeddent yn gwybod neu roeddent wedi rhoi ymateb 'niwtral'. Adlewyrchir

hyn yn y sylwadau ysgrifenedig, lle'r oedd nifer o ymatebwyr o'r farn ei fod yn fuddiol i rai busnesau ond nid i rai eraill, a bod hyn yn dibynnu'n fawr ar y math o fusnes dan sylw, a'i leoliad.

### C3. Effaith ar Fusnesau yng Nghanol Trefi

**Pa effaith y mae'r "parthau diogel" wedi'i chael ar fusnesau yng nghanol trefi?**

▼ Canran




### C4: Pa effaith y mae'r "parthau diogel" wedi'i chael ar bobl anabl, deiliaid Bathodyn Glas a'r henoed?

Dywedodd mwyafrif o 52% bod yr effaith ar bobl anabl, deiliaid Bathodyn Glas a'r henoed wedi bod yn wael neu'n wael iawn, a chefnogwyd hyn gan nifer fawr o sylwadau. Roedd mwyafrif y pryderon yn ymwneud â mynediad cyffredinol i'r anabl, argaeledd lleoedd parcio i ddeiliaid Bathodyn Glas a dryswch am y parthau diogel ymhlith yr henoed. Gwnaethpwyd nifer fawr o sylwadau nad oeddent yn rhoi rheswm penodol, ond roeddent yn gwneud sylw cyffredinol bod yr effaith wedi bod yn negyddol ar y grwpiau hyn. Dim ond 9% ddywedodd bod yr effaith wedi bod yn dda neu'n dda iawn, ac nid oedd gan dros chwarter (26%) unrhyw farn am y mater neu nid oeddent yn gwybod.

### C4. Pobl Anabl, Deiliaid Bathodyn Glas a'r Henoed

**Pa effaith y mae'r "parthau diogel" wedi'i chael ar bobl anabl, deiliaid Bathodyn Glas a'r henoed?**

▼ Canran



### C5: Ar y cyfan, pa effaith mae'r "parthau diogel" wedi'i chael ar awryglch y dref?


O ran yr awryglch cyffredinol a'r 'teimlad' yn y trefi, dywedodd mwyafrif o 52% bod yr effaith wedi bod yn dda neu'n dda iawn, a nododd cyfran fwyaf yr ymatebwyr (32%) ei bod wedi bod yn dda iawn. Roedd y sylwadau ysgrifenedig a wnaethpwyd i gefnogi'r farn hon yn nodi ei fod wedi creu awryglch mwy plerusus, croesawgar a 'chfyfandiro' yn y trefi, a bod pobl wedi mwynhau hyn. Maent hefyd yn amlygu'r ffaith bod dim ceir yn golygu na chaiff yr aer ei lygru a'u bod yn teimlo'n ddiogel wrth grwydro o gwmpas y siopau. Fodd bynnag, roedd 27% hefyd a oedd o'r farn y bu'r effaith yn wael, ac roedd y rhain yn gyfrifol am fwyaf y sylwadau ysgrifenedig. Y prif faterion a godwyd oedd y ffaith bod pobl

leol yn teimlo'n llai diogel o ganlyniad i niferoedd uchel y twristiaid a'r ymwelwyr â'r ardal, nad ydynt yn cydymffurfio â'r mesurau cadw pellter cymdeithasol, a bod teimlad bod y parthau diogel wedi cael eu creu er budd twristiaeth yn hytrach nag er budd pobl leol.

## C5. Effaith ar yr Awyrgylch

**Ar y cyfan, pa effaith mae'r "parthau diogel" wedi'i chael ar awyrgylch y dref?**

▼ Canran




## C6: Ar y cyfan, pa effaith mae'r "parthau diogel" wedi'i chael ar yr amgylchedd?

Roedd 46% o ymatebwyr yn teimlo bod y parthau diogel wedi cael effaith dda neu dda iawn ar yr amgylchedd, o'i chymharu â 15% yn unig a ddywedodd eu bod wedi cael effaith wael neu wael iawn ar yr amgylchedd. Roedd chwarter (25%) yr ymatebwyr wedi rhoi ymateb 'niwtral' ac nid oedd 14% pellach yn gwybod neu nid oedd ganddynt farn am y mater. O blith y sylwadau ysgrifenedig a gafwyd i'r cwestiwn hwn, amlygodd nifer yr effeithiau cadarnhaol o gael llai o geir yn y trefi, a'r ffaith bod llai o lygredd sŵn a llygredd yn yr aer yn arbennig. Fodd bynnag, mynegwyd yr un faint o bryderon am y ffaith bod cynnydd mewn ysbwriel a biniau gorlawn yn un o sgil-ffeithiau'r parthau diogel, wedi'i gyfuno gyda chynnydd yn nifer yr ymwelwyr a'r ffaith bod y diwydiant twristiaeth wedi ailagor.

## C6. Effaith ar yr Amgylchedd

**Ar y cyfan, pa effaith mae'r "parthau diogel" wedi'i chael ar yr amgylchedd?**

▼ Canran



## C7. Ydy parthau diogel canol y dref yn darparu cyfleoedd i allu hyrwyddo a hwyluso yr iaith Gymraeg?


Dywedodd cyfran fwyaf yr ymatebwyr (29%) nad oeddent yn gwybod neu nad oedd ganddynt farn am y mater, a ddilynwyd gan 23% pellach a roddodd ymateb 'niwtral'. O blith y rhai yr oedd ganddynt farn, dywedodd 14% eu bod yn cytuno bod y parthau diogel yn cynnig cyfleoedd i hyrwyddo a hwyluso'r iaith

Gymraeg, ac roedd 33% yn anghytuno. Ni chafwyd unrhyw ymatebion ysgrifenedig i'r cwestiwn hwn, yn hytrach, cynhwyswyd cwestiwn ar wahân ynghylch y cyfleoedd i hyrwyddo a defnyddio'r Gymraeg fel cwestiwn 8.

## C7. Yr iaith Gymraeg

**Ydy parthau diogel canol y dref yn darparu cyfleoedd i allu hyrwyddo a hwyluso yr iaith Gymraeg?**

▼ Canran



C8. Oes gennych chi sylwadau am sut bydd y parthau diogel yn gallu effeithio ar gyfleoedd pobl i ddefnyddio'r iaith Gymraeg? Nodwch unrhyw effeithiau cadarnahol neu wrthwynebus er mwyn i ni gyfeirio atynt.

Yn dilyn cwestiwn 7, gofynnwyd i ymatebwyr roi awgrymiadau ysgrifenedig ynghylch sut y gallai'r parthau diogel effeithio ar gyfle pobl i ddefnyddio'r Gymraeg. Rhoddwyd 697 o sylwadau. Roedd nifer fawr o ymatebwyr yn cwestiynu gwerth cynnwys y cwestiwn hwn yn yr arolwg, gan awgrymu nad yw cyfleoedd i ddefnyddio'r iaith Gymraeg yn ymwneud â'r parthau diogel a chadw pellter cymdeithasol. Ymhlith y rhai a fynegodd sylwadau am yr effeithiau cadarnhaol a negyddol, roedd y prif themâu fel a ganlyn:

- Mae llai o draffig yn cynnig mwy o gyfleoedd i bobl stopio a siarad yn y dref, gan ddefnyddio'r iaith Gymraeg, ac mae'n creu cyfleoedd i'r rhai di-Gymraeg ei chlywed yn cael ei defnyddio'n ddyddiol hefyd.
- Mae'r tymor gwyliau brig yn golygu y ceir cynnydd mawr yn nifer y twristiaid nad ydynt yn siarad Cymraeg, felly mae hyn yn lleihau'r cyfleoedd i ddefnyddio'r Gymraeg.
- Gallai'r anhawster i'r henoed fanteisio ar y dref olygu bod llai o gyfleoedd i'r Gymraeg gael ei defnyddio yn y dref.

Mae'r tabl isod yn cynnwys detholiad o'r sylwadau a gafwyd.

Sampl o'r Sylwadau	
Effeithiau cadarnhaol	Effeithiau niweidiol
"Rhan o'r profiad o ymweld â Chymru yw gweld diwylliant amgen. Dylid annog yn gryf y cam o ddefnyddio arwyddion yn y ddwy iaith swyddogol."	"Gall gormod o arwyddion dwyieithog fod yn rhywbeth gwrthanogol. Mae gwaith graffig cynnil a gweledol yn fwy llwyddiannus. Mae'n wych clywed pobl leol yn siarad Cymraeg ar y stryd, mewn bwytai a bariau, a hwn yw ein cyfle cryfaf i ddylanwadu ar ymwelwyr gydag iaith lafar."

<p>"Mae'n haws cael sgwrs heb sŵn y traffig. Mae cael mwy o le y tu allan yn caniatáu i grwpiau gyfarfod, a allai gynnwys grwpiau ymarfer yr iaith Gymraeg, y maent wedi bod yn ei chael hi'n anodd cyfarfod cyn hyn."</p>	<p>"Trwy ddenu ymwelwyr nad ydynt yn siarad Cymraeg ac nad oes ganddynt unrhyw ddymuniad i gyfathrebu yn Gymraeg, mae hyn yn lleihau unrhyw gyfathrebu yn Gymraeg."</p>
<p>"Rydw i'n dysgu Cymraeg (dechreuwr) a heb os, byddwn yn hoffi cael mwy o gyfleoedd Anffurfiol i glywed y Gymraeg yn cael ei siarad gan bobl y mae'r iaith yn famiaith iddynt, ac i deimlo bod amser i roi cynnig ar chwilio am y geiriau hefyd. Bydd y teimlad diogel ac nad oes angen rhuthro a gaiff ei greu gan y parth diogel yn cynorthwyo hyn!"</p>	<p>"Nifer fawr o'r genhedlaeth hŷn yw prif ddefnyddwyr yr iaith Gymraeg, ond maent yn ei chael hi'n rhy anodd dod i'r dref i gyfarfod pobl, felly ni chaiff yr iaith ei defnyddio. Mae'n torri'r genhedlaeth hŷn i ffwrdd o gymdeithas."</p>
<p>"Efallai y byddant yn cynnig mwy o gyfleoedd i bobl gyfarch ei gilydd yn Gymraeg, i stopio a chael sgwrs mewn ffordd fwy diogel, ac i bobl hŷn sy'n siarad Cymraeg i glywed ei gilydd yn haws mewn amgylchedd tawelach."</p>	<p>"Mae'n ymddangos bod y parthau hyn ar gyfer ymwelwyr yn fwy nag y maent ar gyfer y bobl leol. Nid yw'r bobl hyn yn defnyddio'r iaith Gymraeg o reidrwydd."</p>
<p>"Bydd y cyfle ychwanegol i eistedd a siarad mewn man cyhoeddus yn hwyluso'r cyfle i ymarfer yr iaith a'i hyrwyddo wrth i eraill wrando arni yn cael ei siarad."</p>	<p>"Heb os, nid yw mwyafrif yr ymwelwyr yn y parthau diogel yn siarad Cymraeg, ac ni fyddai angen iddynt ddefnyddio'r Gymraeg yn eu trafodion."</p>

### C9: A oes gennych chi unrhyw sylwadau pellach ynghylch sut y gellid gwella'r "parthau diogel"?

Roedd y cwestiwn olaf yn un penagored, gan gynnig y cyfle i ymatebwyr roi unrhyw adborth ychwanegol nad oedd wedi cael ei roi yn yr wyth cwestiwn blaenorol. Rhoddwyd cyfanswm o 1,191 o sylwadau at ei gilydd, am ystod eang o faterion yn ymwneud â'r parthau diogel ac ynghylch cynnal diogelwch yn ystod pandemig Covid-19. Y rhai yr oedd ganddynt bryder neu gŵyn oedd y rhai mwyaf llafar wrth ateb y cwestiwn hwn. Y prif themâu a godwyd oedd:

- Mynediad a lleoedd parcio sydd ar gael i breswylwyr lleol.
- Mynediad pobl anabl a deiliaid Bathodyn Glas i'r parthau diogel.
- Mae'n creu cyfleoedd i ddatblygu'r trefi yn y dyfodol, megis ystyried camau i bedestreiddio rhai trefi dros y tymor hwy.
- Pryder nad oes nifer o dwristiaid ac ymwelwyr yn cadw pellter cymdeithasol.
- Mae rhai busnesau yn adrodd eu bod wedi cael eu heffeithio mewn ffordd negyddol gan nad yw cwsmeriaid yn gallu dod i'w siop, ac maent yn dewis siopa mewn man arall yn lle hynny.
- Lleihau maint y parthau diogel er mwyn cynnig mynediad gwell i'r henoed ac i breswylwyr lleol.
- Ystyrir bod atalfeydd y parthau diogel yn hyll ac y byddai modd eu disodli gyda dodrefn stryd arall sy'n fwy dymunol ei olwg.
- Pryder nas gwrandawyd ar safbwyntiau lleol ac y rhoddwyd blaenoriaeth i anghenion twristiaid.
- Cynnydd yng nghyfanswm yr ysbwriel a biniau sy'n gorlifo, ynghyd â'r angen i wneud mwy o waith i lanhau'r strydoedd.

Mae'r tabl isod yn cynnwys detholiad o'r sylwadau a gafwyd.

Sampl o'r Sylwadau	
<p>"Byddai'n braf defnyddio dodrefn stryd mwy deniadol i gau'r ffyrdd ac ati. A oes modd gosod cyfleusterau storio beiciau er mwyn annog pobl i feicio i'r dref? Dylai parthau diogel fod yn elfen barhaol yn ystod misoedd yr haf, mae trefi sy'n rhydd rhag ceir yn welliant gwych wrth fwynhau ein trefi."</p>	<p>"Fel y nodwyd yn fy sylw cyntaf, teimlaf bod pobl yn tueddu i fod yn fwy didaro yn y parthau diogel ynghylch cadw eu pellter. Mae hyn felly yn mynd yn groes i ddiben y parthau diogel, a byddai'n well gen i beidio eu cael o gwbl."</p>



<p>"Mwynhaom ein hymweliad ag Aberteifi yn fawr yr wythnos hon. Aethom i'r dref dair gwaith. Awyrgylch hyfryd, bron fel carnifal, gyda cherddoriaeth a lleoedd i fwyta y tu allan. Roedd hi'n haws cadw pellter cymdeithasol (er nad oedd hyn wastad yn bosibl gan bod cymaint ar y stryd/ffordd). Heb y parthau diogel, byddai wedi bod yn amhosibl cadw pellter cymdeithasol. Gallai fod yn gyfle gwych i dalent ifanc lleol i arddangos eu doniau y tu allan i neuadd y dref, neu i gynnal darlleniadau llyfr y tu allan, sgiliau syrcau, arlunwyr lleol, clowniau ac ati – gallai'r rhain oll hyrwyddo'r iaith Gymraeg a thalent lleol, ac fe allent ddenu mwy o deuluoedd i'r dref. Mwynhaom ein hymweliad yn fawr iawn ac roeddem yn teimlo'n ddiogel iawn. Diolch yn fawr."</p>	<p>"A fyddai modd i chi ystyried sefyllfa yr anabl, yr henoed a'r rhai y mae ganddynt Nam ar eu golwg, gan ganiatáu iddynt fyw bywyd annibynnol, diogel a chan ystyried eu lles. Er mwyn eu hatal rhag bod yn gaeth i'w cartref. A thrwy..... Roi sylw penodol i ganllawiau'r llywodraeth ynghylch dodrefn stryd, arwyddion, bolardiau ac ati."</p>
<p>"Dylid ei wneud yn drefniant parhaol – o'r hyn a welais i heddiw. Nid oeddwn yn hoff o'r syniad ar y dechrau, gan ei fod yn golygu gorfod parcio y tu allan i'r dref er mwyn picio i mewn am ychydig eitemau, ond ar ôl bod i'r dref heddiw, credaf ei fod yn beth gwych, a mwynheais gerdded trwy'r dref yn hytrach na rhuthro yn ôl i'm car, fel y byddaf yn ei wneud fel arfer. Os bydd yn drefniant parhaol, byddai'n hyfryd cael pafinau bloc ar hyd y prif strydoedd, gan bod awyrgylch cyfandirol iawn yn y dref heddiw. Roedd nifer o bobl y siaradom â nhw yn nodi eu bod yn teimlo fel pe baent mewn gwlad dramor! Roedd cymaint o bobl yn eistedd y tu allan i'r caffis yn bwyta cinio ac yn yfed coffi – roedd hi'n hyfryd ei weld."</p>	<p>"Dylid fod wedi trafod hyn gyda phreswylwyr lleol cyn gwneud unrhyw beth. Mae tyrfeydd y twristiaid o gwmpas y dref yn ei gwneud hi'n anodd iawn cadw pellter cymdeithasol gan eu bod nhw ym mhob man!"</p>
<p>"Hwn yw'r cyfle i gymryd camau trawsnewidiol i ddadwneud dirywiad yr ardal hyfryd ar hyd arfordir Cymru. Gadewch i ni fanteisio ar y cyfle i wneud newidiadau go iawn er mwyn symud ymlaen a chychwyn ar daith newydd a mentrus er mwyn sicrhau bod ein harfordir ni ar y blaen. Tacluso'r cyfan."</p>	<p>"Teimlaf bod awyrgylch gwych ar y stryd fawr, heol y wig a thu allan medina. Gwelaf fanteisio cau'r strydoedd er mwyn helpu pobl i gadw pellter cymdeithasol. Credaf ei fod yn gyfle gwych i ddyfodol Aberystwyth, fodd bynnag, credaf y byddai'n anoddach yn y gaeaf. Er, rhaid i mi gyfaddef ei fod yn niwsans ar gyfer gwaith."</p>
<p>"Dylid ystyried mynediad dewisol i'r rhai sydd ag anabledd corfforol. Dylid ystyried mynediad dewisol i'w rhai sy'n byw yn y dref ac sy'n parcio ar y stryd y tu allan i'w cartrefi."</p>	<p>"Mae'r arolwg hwn yn hwyr iawn, dylid fod wedi ei gynnal cyn gweithredu'r newidiadau. Mae'r mynediad i'r anabl neu symudedd yn gyfyngedig. Mae sicrhau mynediad er mwyn cynorthwyo preswylwyr hyn sy'n byw yn y parth, er mwyn cludo siopa, meddyginiaeth ac ati iddynt, wrth gyflawni'r tasgau hyn a chyflawni swydd amser llawn wedi peri i'r tasgau fod yn llawer anoddach."</p>
<p>"Mwy o ddangosyddion gweledol i bobl adnabod 2 fetr ac arwyddion Symlach a mwy cyfeillgar er mwyn addysgu pobl am y rheolau yng Nghymru ynghylch cadw pellter o 2m. Rydw i'n dwli ar y syniad o gael smotiau neu galonnau lliwgar ar y ffordd a'r palmentydd, 2 m i ffwrdd o'i gilydd, fel bod pobl yn cael eu hatgoffa mewn ffordd weledol. Mae angen meithrin amgylchedd gofalgar er mwyn annog ymwelwyr a phobl leol i fod yn ddiogel ac i ofalu am ei gilydd oherwydd y gwelir teimlad 'ni a nhw' cynyddol, nad yw'n beth da i unrhyw un."</p>	<p>"Plismona/atgoffa pobl ar lafar i gadw pellter cymdeithasol mewn lleoliadau cyfyng – nid yw'r arwyddion newydd yn helpu. Mae pobl yn ymateb i ni mewn ffordd haerllug wrth i ni wisgo mygydau a cheisio cadw pellter cymdeithasol – un sylw a gawsom oedd 'nid oes Covid yma, felly pam ydym yn trafferthu???' Maent ar eu gwyliau ac mae'n ymddangos eu bod wedi anghofio'r misoedd diwethaf."</p>
<p>"Peidio cau gormod o'r strydoedd efallai, fel bod pobl yn gallu parcio yn agosach i'r dref, ac ymestyn hyd rhywfaint o'r cyfnod parcio o 30 munud i o leiaf awr mewn rhai manau, fel y gall pobl gael amser i ymweld â'r siopau y mae angen iddynt ymweld â nhw."</p>	<p>"Rydw i'n llwyr gytuno gyda'r syniad, ond trwy gymryd y manau parcio i ffwrdd, bydd pobl yn parcio mewn ffordd anghyfrifol, gan atal mynediad i'r gwasanaethau brys efallai, neu'n waeth fyth, peidio stopio yno i ymweld. Syniad gwych, ond nid yw wedi cael ei ystyried yn ddigon da."</p>


"Mwy o leoedd parcio i breswylwyr heb fod yn bell o ganol y dref, a mwy o gymorth i'r henoed ac i'r anabl trwy gyfrwng mannau parcio ychwanegol a sgwteri symudedd."

"Mae'r arwyddion dros dro yn wael ac yn oramlwg. Mae gormod o atalfeydd hyll yno o hyd e.e. ar y brif ffordd gyferbyn â'r safleoedd bws."


# Cwestiynau Monitro Cydraddoldeb

Gofynnwyd cwestiynau monitro cydraddoldeb a manylion demograffeg safonol y Cyngor fel rhan o'r arolwg.


## 1. Oedran - Ym mha grŵp oedran ydych chi?




## 2. Rhyw - Beth yw eich rhyw chi?




## 3. Trawsryweddol - a yw'ch rhyw yr un fath â'r un a neilltuwyd i chi ar eich genedigaeth?




## 4. Cyfeiriadedd Rhywiol - Pa un o'r dewisiadau canlynol sy'n disgrifio'r ffordd yr ydych chi'n meddwl am eich hun orau?




## 5. Partneriaeth - Pa un o'r dewisiadau canlynol sy'n disgrifio eich statws partneriaeth?




**6. Hunaniaeth genedlaethol - Sut fydddech yn disgrifio eich hunaniaeth genedlaethol?**




**7. Hil - Beth yw'ch grŵp ethnig? Dewiswch un dewis sy'n disgrifio eich cefndir neu'ch grŵp ethnig orau.**




**8a. Iaith - Beth yw'r iaith yr ydych yn ei ffafrio?**




**8b laith - A ydych chi'n gallu deall, siarad, darllen neu ysgrifennu Cymraeg?**




**9a. Anabledd - A oes gennych chi salwch neu gyflwr iechyd corfforol neu feddyliol hirdymor sy'n lleihau eich gallu i gyflawni gweithgareddau o ddydd i ddydd?**



**9b. Anabledd - Os ateboch 'Oes' i gwestiwn 22, nodwch pa un sy'n bertnasol i chi?**



**10 Cyfrifoldebau gofalu - A ydych chi'n gofalu am neu'n rhoi help neu gymorth i aelodau teuluol, ffrindiau, cymdogion, neu eraill oherwydd naill ai: salwch corfforol neu feddyliol hirdymor; neu broblemau sy'n gysylltiedig gyda bod yn oedrannus?**



**11 Crefydd neu Gredo - Beth yw'ch crefydd chi?**

